

Nome ou razón social	NIF	Solicitud 2009	Núm. expte.
Técnicas Informáticas Centralizadas, S.L.	B36635951	2009	12237
Tecno-PC, S.L.	B15337801	2009	11969
Tecnotel Control, S.L.	B32204984	2009	11442
Teleco Santiago S.L.	B15512536	-	8344
Todocopia, S.A.	A32010357	2009	12235
Visual Publinet, S.L.	B36880094	-	8412
Win-Tres Computer Vigo, S.L.	B36931970	2009	12029
Zerosuns Galicia, S.L.	B36540078	2009	12312

Nota:

A información sobre os puntos de venda ao público en Galicia de todas as entidades colaboradoras está dispoñible na web: <http://www.xunta.es/cei/pcautonomos>.

CONSELLERÍA DE TRABALLO E BENESTAR

Orde do 25 de xuño de 2009 pola que se modifica a Orde do 6 de febreiro de 2009 pola que se establecen as bases que rexen as axudas para adquisición de equipamento e actividades programadas por asociacións xuvenís e entidades prestadoras de servizos á xuventude e se procede á súa convocatoria.

No *Diario Oficial de Galicia* nº 33, do 17 de febreiro de 2009, publicouse a Orde do 6 de febreiro de 2009, pola que se establecen as bases que rexen as axudas para adquisición de equipamento e actividades programadas por asociacións xuvenís e entidades prestadoras de servizos á xuventude e se procede á súa convocatoria.

Debido aos cambios na estrutura orgánica dos departamentos da Xunta de Galicia coa aprobación do Decreto 83/2009, do 21 de abril, polo que se fixa a estrutura orgánica dos departamentos da Xunta de Galicia e segundo o disposto no Decreto 245/2009, do 30 de abril, polo que se regulan as delegacións territoriais da Xunta de Galicia e a Orde do 4 de maio de 2009 sobre adscrición dos órganos suprimidos e atribucións de competencias nos órganos superiores da Consellería de Traballo e Benestar, cómpre modificar a composición da comisión de avaliación no caso de entidades de ámbito provincial ou inferior.

Por todo isto, e no uso das facultades que me foron concedidas,

DISPOÑO:

Artigo único.-Modifícase o punto 2º do artigo 10 da Orde do 6 de febreiro de 2009 pola que se establecen as bases que rexen as axudas para adquisición de equipamento e actividades programadas por asociacións xuvenís e entidades prestadoras de servizos á xuventude e se procede á súa convocatoria, que queda redactado como segue:

«2. No caso de entidades de ámbito territorial ou inferior, a devandita comisión terá a seguinte composición:

a) O/a xefe/a de servizo competente en materia de xuventude que actuará como presidente/a.

b) O/a xefe/a de Sección de Xuventude.

c) Un/ha representante do servizo competente en materia de xestión económica.

d) Un/ha representante do Consello da Xuventude de Galicia.

e) Actuará como secretario/a un/ha funcionario/a do departamento territorial.

2.1. A comisión de avaliación poderá solicitar dos interesados a chegada de cantos datos e documentos se consideren necesarios ou convenientes para a avaliación.

2.2. Unha vez avaliadas todas as solicitudes admitidas a trámite, a comisión de avaliación elaborará un informe-proposta de resolución que elevará ao/á xefe/a territorial competente por razón de materia da Consellería de Traballo e Benestar. Con anterioridade a ditar a proposta de resolución, deberase acreditar que os beneficiarios que superen os 1.500 euros para a adquisición de equipamento e material inventariable están ao día das súas obrigas tributarias estatais e autonómicas e da Seguridade Social, así como que non teñen pendente de pagamento ningunha outra débeda coa Administración da Comunidade Autónoma de Galicia.

2.3. Se por calquera causa, no momento en que a comisión de avaliación teña que examinar as solicitudes, algún dos compoñentes non puidese asistir, será substituído pola persoa que para o efecto se nomee».

Disposición adicional

Única.-As referencias xenéricas que se fagan na Orde do 6 de febreiro de 2009 aos delegados provinciais, entenderanse referidas aos xefes territoriais da Consellería de Traballo e Benestar.

Disposición derradeira

Única.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 25 de xuño de 2009.

Beatriz Mato Otero
Conselleira de Traballo e Benestar

CONSELLERÍA DO MEDIO RURAL

Orde do 25 de xuño de 2009 pola que se adopta decisión favorable en relación coa solicitude de rexistro da modificación do prego de condicións da indicación xeográfica protexida Pataca de Galicia ou Pataca de Galicia.

De acordo co previsto no Real decreto 1069/2007, do 27 de xullo, polo que se regula o procedemento